



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-258-5/26**

Datum: **28.08.2026. godine**

„Agencija za vodno područje rijeke Save“ Sarajevo, rješavajući po zahtjevu pravnog lica „ALFE-MI“ d.o.o. Živinice, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekata metaloprerađivačke industrije, izgrađenih u ulici Maline 16, općina Živinice, na osnovu člana 109. stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „ALFE-MI“ d.o.o. Živinice, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekata metaloprerađivačke industrije, na zemljištu označenom kao k.č. broj: 301/1, 301/2, 301/3, 301/5, 301/6, 301/7, 301/8, 301/9, 301/10, 301/11, 301/12, 301/13, 301/14, 301/15, 301/16 i 302/1 K.O. Spreča, Općina Živinice.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da Investitor „ALFE-MI“ d.o.o. Živinice objekte izgrađene u krugu kompleksa metaloprerađivačke industrije održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. Da korisnik obavezno praktikuje suho čišćenje prije pranja vodom kako bi se uklonile nečistoće sa radnih površina, trošilo manje vode za pranje i time smanjio teret zagađenja otpadnih voda.
 - 3.3. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.4. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
 - 3.5. Vlasnik, odnosno korisnik poslovnog objekta je obavezan da izgrađene objekte, a čija je svrha odvođenje i prečišćavanje oborinskih voda (separatori ulja i naftnih derivata, slivnici i rešetke, kanalizaciona mreža, odvodni kanali do recipijenta i sl.), redovno održava i koristi na način koji će obezbijediti njihovu potpunu ispravnost i funkcionalnost.
 - 3.6. Sadržaj (mulj) iz uređaja za prečišćavanje otpadnih voda (talog iz separatora i slivničkih kaca) i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.7. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama, izdanim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih

vodnih naknada („Službene novine Federacije BiH“, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.

5. U periodu važenja ove vodne dozvole, pravno lice, odnosno korisnik objekta je dužan provoditi sve mjere i aktivnosti propisane istom.
6. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog objekta obavezan je izvijestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama, daje se sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, investitor, odnosno korisnik objekta je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „ALFE-MI“ d.o.o. Živinice, podnijelo je ovoj Agenciji zahtjev dana 15.06.2026. godine za produženje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekata metaloprerađivačke industrije, na zemljištu označenom kao k.č. broj: 301/1, 301/2, 301/3, 301/5, 301/6, 301/7, 301/8, 301/9, 301/10, 301/11, 301/12, 301/13, 301/14, 301/15, 301/16 i 302/1 K.O. Spreča, Općina Živinice.

U provedenom postupku dostavljena je i pregledana sljedeća dokumentacija:

- Aktuelni izvod iz sudskog registra, Općinski sud u Tuzli, kanton Tuzla – ovjerena kopija,
- Uvjerenje o poreznoj registraciji od 06.07.2006. godine, Porezna uprava Federacije BiH, Kantonalni porezni ured Tuzla – ovjerena kopija,
- Uvjerenje o registraciji obveznika poreza na dodanu vrijednost broj: 04/5-1/II-17-1-1735-1094/05 od 11.11.2005. godine, Uprava za indirektno – neizravno oporezivanje Banja Luka – ovjerena kopija,
- Kopija rješenja o vodnoj dozvoli broj: 04/1-13-21-16617/24 od 08.07.2024. godine, Ministarstvo poljoprivrede, šumarstva i vodoprivrede Tuzlanskog kantona;
- Zaključak o ispravci rješenja broj: 04/1-13-21-16617-1/24 od 12.07.2024. godine, Ministarstvo poljoprivrede, šumarstva i vodoprivrede Tuzlanskog kantona;
- Kopija rješenja o vodnoj dozvoli broj: UP-I/25-3-40-241-4/21 od 21.07.2021. godine, Agencija za vodno područje rijeke Save Sarajevo;
- Kopija Rješenja o odobrenju za građenje Preduzeću „Nikola Tesla“ Tuzla za gradnju proizvodne hale na lokaciji „Maline“, broj: 03/5-UP/1-351-120/72 od 14.06.1972. godine, Skupština opštine Živinice;
- Kopija Rješenja o odobrenju za građenje „Metalelektiku“ Tuzla za upravnu zgradu sa restoranom broj: 03/13-UP/1-361-424/79 od 09.11.1979. godine, Sekretarijat za geodetsko-katastarske, imovinsko-pravne poslove prostornog uređenja Živinice;
- Kopija Rješenja o odobrenju za građenje OOUR-u „UMEL“ METALO-PRERAĐIVAČKA INDUSTRIJA ŽIVINICE proizvodne hale, broj: 05/5-UP/1 361-261 od 27.04.1982. godine;
- Kopija Rješenja o upotrebnoj dozvoli OOUR-u Fabrika aluminijskih konstrukcija Živinice za upotrebu upravne zgrade i restorana, donesenog od strane SRBIH Opština Živinice, broj: 05/5-UP/1-360-63/80 od 15.04.1981. godine;

- Kopija Rješenja o odobrenju za građenje proizvodne hale na parceli k.č. 301/6 K.O. Spreča, broj: 05/5-23-2776/07 od 16.08.2007. godine, Općina Živinice;
- Kopija Rješenja o odobrenju za građenje hale za preradu stakla na parceli k.č. 301/1 K.O. Spreča, broj: 05/5-23-2221/09 od 26.06.2009. godine, Općina Živinice;
- Kopija Rješenja o odobrenju za građenje hale za skladištenje repromaterijala na parceli k.č. 301/1 K.O. Spreča, broj: 05/5-23-1276/09 od 26.06.2009. godine, Općina Živinice;
- Kopija Rješenja o odobrenju za građenje hale za proizvodnju drvenih pozicija sa nadstrešnicom na parceli k.č. 301/1 K.O. Spreča, broj: 05/5-23-5077/08 od 17.01.2009. godine, Općina Živinice;
- Kopija Rješenja o odobrenju za građenje proizvodne hale na parceli k.č. 301/11 K.O. Spreča, broj: 05/5-23-2080/12 od 26.07.2012. godine, Općina Živinice;
- Kopija Rješenja o odobrenju za građenje objekta proizvodne hale – lakirnice i montaže na parceli k.č. 301/14 i 301/3 K.O. Spreča, broj: 12-04/1-23-018944/16 od 06.10.2016. godine, Ministarstvo prostornog uređenja i zaštite okolice Tuzla;
- Kopija Rješenja o odobrenju za građenje hale za skladištenje robe i repromaterijala na parceli k.č. 301/1 K.O. Spreča, broj: 04/7-19-7976/2020 od 28.12.2020. godine, Grad Živinice;
- Kopija Rješenja o odobrenju za građenje poslovnog objekta hale za proizvodnju panela broj: 04/3-19-4315/2022 od 16.09.2022. godine, Grad Živinice;
- Kopija Rješenja o izmjeni i dopuni rješenja o odobrenju za građenje broj: 04/3-19-4604/2023 od 03.10.2023. godine, Grad Živinice;
- Kopija Rješenja o odobrenju za građenje poslovnog objekta sa namjenom za proizvodnju biomase i prirodno sušenje građe, broj: 04/3-19-4888/2024 od 26.09.2024. godine, Grad Živinice;
- Kopija ugovora o preuzimanju i zbrinjavanju opasnog otpada sa „KEMEKO-BH“ d.o.o. Lukavac;
- Dokaz o uplaćenju upravnoj pristojbi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-258-2/26 od 04.08.2026. godine i konstatovano slijedeće:

Predmetni kompleks objekata ALFE-MI d.o.o. Živinice je izgrađen u ulici Maline na zemljištu označenom kao k.č. broj: 301/1, 301/2, 301/3, 301/5, 301/6, 301/7, 301/8, 301/9, 301/10, 301/11, 301/12, 301/13, 301/14, 301/15, 301/16 i 302/1 K.O. Spreča, Općina Živinice.

Na predmetnoj lokaciji su izgrađeni objekti za proizvodnju višenamjenskih metalnih kontejnera i to: objekat čelične konstrukcije, objekat montaže, objekat za preradu stakla (u objektu se vrši ugradnja gotovih pozicija stakala koja se dobivljaju od proizvođača), drvene pozicije, alu bravarija, prateći objekti i skladište.

Osnovna djelatnost je proizvodnja metalnih konstrukcija, kontejnera svih vrsta i namjena, PVC i Al stolarije, specijalnih profila od lima i slično. Proizvodnja se odvija u četiri pogona i to: pogon za proizvodnju čeličnih konstrukcija, pogon za proizvodnju PVC i Al stolarije, panela i pozicija od drveta, pogon antikorozivne zaštite, pogon montaže kontejnera.

Prateći objekti su upravna zgrada, restoran, kotlovnica, skladište repromaterijala, skladišta gotovih proizvoda i silos za piljevinu. U svim pogonima podne površine su vodonepropusne bez ispusta i odvoda, sa zastupljenim suhim čišćenjem.

Zagrijavanje kompleksa se odvija putem centralnog grijanja tj. iz vlastite kotlovnice na čvrsto gorivo (drveni otpaci).

Čišćenje pogona za antikorozivnu zaštitu se vrši suhim postupkom a sav opasni otpad, prema izjavi predstavnika podnosioca, iz ovog pogona se propisno skladišti i predaje na dalje zbrinjavanje ovlaštenoj organizaciji, prema sklopljenom ugovoru.

Objekat proizvodne hale - lakirnice u krugu predmetnog kompleksa je dijelom izgrađen. Izgradnjom i stavljanjem u pogon ovog objekta će biti riješeni nedostaci postojećeg pogona antikorozivne zaštite koji će se staviti van upotrebe.

Plato oko predmetnog kompleksa objekata je uređen sa ugrađenim separatorom ulja i naftnih derivata na koji se dovodi dio prikupljenih oborinskih voda sa platoa. Prikupljanje oborinskih voda sa platoa se vrši uličnim slivnicima i slivnim kanalima. Prečišćena voda se nakon separatora preko okna za monitoring ispušta u odvodni kolektor DN1000 mm a potom kroz propust ispod pruge Brčko-Banovići odvodnim kolektorom DN1200 mm do potoka Brestovik. Krajnji recipijent je rijeka Spreča.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 3. dispozitiva rješenja, propisani uslovi kojih se dužan pridržavati pri korištenju objekta, u skladu sa odredbama članova 53. i 116. Zakona o vodama i odredbama članova 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata.

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta, te je riješeno kao u dispozitivu ovog rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-258-3/26 od 05.08.2026. godine.

Podnosilac zahtjeva je na ime izdavanja ovog vodenog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

UPUTA O PRAVNOM LIJEKU:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka:

Adnan Bašić, dipl.inž.grad.

Po ovlaštenju
Rukovodilac Sektora za izdavanje vodnih akata



Dostaviti:

- „ALFE-MI“ d.o.o. ul. Maline 16, 75270 Živinice
- Ⓟ AVP Sava, ISV – Vodna knjiga
- Sektor 50
- Sektor 40, arhiva
- oglasna ploča AVP – Sava